

傷寒正醫圖錄

五

傷寒正醫錄

卷之五 目次

合病七條

麻黃湯

葛根加半夏湯

葛根湯

黃芩湯

黃芩加半夏生姜湯

大承氣湯

白虎湯

併病五條

大承氣湯

兩感一條

附六條

葛根麻黃湯

附

調胃承氣湯

附

潔古大羌活湯

臟結結胸一十三條

大陷胸湯

大陷胸丸

小陷胸湯

白散方

痞一十三條

生姜瀉心湯

半夏瀉心湯

甘草瀉心湯

大黃黃連瀉心湯

附子瀉心湯

十棗湯

黃連湯

旋覆代赭湯

赤石脂禹餘糧湯

五苓散

桂枝人參湯

大柴胡湯

傷寒正醫錄卷五

合病

合病惟三陽有之。如發熱惡寒頭痛。太陽病也。而又兼不眠。此太陽陽明合病也。若兼嘔惡。卽太陽少陽合病也。若發熱不眠嘔惡。卽陽明少陽合病也。三者俱全。便是三陽合病爲重。

太陽與陽明合病。胸滿而喘者。不可下。宜麻黃湯主之。

陽明近太陽。所以合也。喘屬太陽傷寒本病。胸屬陽明

部位。兩邪合而上攻其肺。所以喘而胸滿。麻黃散寒。能泄肺家之寔滿。杏仁下氣定喘。佐以桂枝甘草之和解。則太陽之邪散。陽明亦必隨之而愈。故專用太陽治法。兩經病必見脈浮大。太陽也。脈長。陽明也。外症必頭痛腰疼。太陽也。肌熱目疼鼻乾。陽明也。餘可類推。

太陽與陽明合病。不下利。但嘔者。葛根加半夏湯主之。

太陽之膀胱屬水。陽明之胃主飲。風邪之性上行。則水飲泛而湧出。此太陽陽明相合而嘔也。麻黃葛根。禱兩經之寒邪。半夏生姜辛溫。消痰滌飲。則嘔逆自止。

葛根加半夏湯

葛根

四兩半夏半升

生姜

麻黃

各三兩去節湯泡去黃汁焙乾

芍藥

桂

枝

甘草

炙各二兩

大棗

十二枚

先煮麻黃葛根去白沫內

諸藥再煎去渣温服覆取微似汗

太陽與陽明合病者必自下利葛根湯主之

風性上行嘔即太陽風傷衛證也寒性下行利即太陽

寒傷營證是也太陽之熱邪甚胃氣不分水穀則清濁

雜下麻黃葛根散兩經之表桂枝和營衛姜棗甘草健

脾胃而和中內外分解不治利而利自止矣前條上

逆而嘔。則不下走。此條下利。則不上逆。故不用半夏。防
津耗也。病情之參差。用藥之輕重。間不容髮。設遇既嘔
且利者。其勢必甚。可不細心理會之乎。

葛根湯

葛根

四兩

麻黃

桂枝

芍藥

生姜

各三兩

炙草

二兩

大棗

十二枚

先煮麻黃葛根去沫。內諸藥煮。溫服。取微似汗。

不須啜粥。

太陽與少陽合病。自下利者。與黃芩湯。若嘔者。黃芩加半

夏生姜湯。

有太陽之身熱頭痛項強。又有少陽之耳聾脇痛口苦等證。故曰合病。自利者。不因攻下而泄瀉也。太陽陽明下利。表證多。陽明少陽下利。裡證多。太陽少陽則在半表半裡。故用黃芩之苦以堅之。芍藥之酸以收之。甘草大棗之甘以溫之。後人多依此方增減。無不應手而愈。此萬世治痢之祖也。若嘔者。胃氣逆而挾飲也。千金曰。生姜嘔家聖藥。爲能散逆也。金匱曰。半夏以去水。水去則嘔止。痰飲下也。

黃芩湯

黃芩三兩芍藥

甘草

各二兩大棗十二枚

水四升煮二升

去渣分温日再服

黃芩加半夏生姜湯

即於黃芩湯中加二味

半夏半升

生姜二兩

陽明與少陽合病必下利其脉不負者順也負者失也互相尅賊名為負也脉滑而數者有宿食也當下之宜大承氣湯

土與木俱挾邪擾中氣必水穀不寧宜必下利也陽明脉大少陽脉弦不負者木不尅土則土不受賊故曰順

也。此時恐木邪日盛。土氣愈衰。惟有下之一法。滌外邪而保元氣。然必視脈滑而數者。方知有宿食。方可用大承氣。腸胃堅寔。則有益而無損。否則空虛之腹。能受此大劑乎。

三陽合病。腹滿身重。難以轉側。口不仁。面垢讖語。遺尿。發汗必讖語。下之則額上出汗。手足逆冷。若自汗者。白虎湯主之。

腹滿身重。口不仁。讖語。陽明也。面垢。少陽也。遺尿。太陽也。三症陽明獨多。表裡俱有邪。然發汗必燥熱愈甚。攻

裡恐虛陽上脫故禁之。其自汗出者表邪欲散故用白虎以解熱而又無碍於表裡。

三陽合病脉浮大上関上但欲眠目合則汗。

太陽之脉浮陽明之脉大上関上者少陽也但欲眠似少陰病然陰不得有汗目合則汗者胆有熱也宜小柴胡湯或白虎湯。

○併病

併病者一經未解於前一經旋踵於後既非傳經之代嬪亦非合病之齊見如偪而相併故曰併病若見之不

透治之。不的。必纏綿而遷變。聖人或示治法。大約就本經而兼顧所併之經。則有傳經諸條。諸方在。

二陽併病。太陽初得病時。發其汗。汗先出不徹。因轉屬陽明。續自微汗出。不惡寒。若太陽病症不罷者。不可下。下之爲逆。如此可小發汗。設面色緣緣正赤者。陽氣怫鬱在表。當解之薰之。若發汗不徹。不足言陽氣怫鬱不得越。當汗不汗。其人煩躁。不知痛處。乍在腹中。乍在四肢。按之不可得。其人短氣。但坐以汗出不徹故也。更發其汗。則愈。何以知汗出不徹。以脈濇故知也。

太陽汗不出而轉屬陽明。微汗不惡寒。明是陽明候矣。然太陽未罷。故不宜下而仍宜汗。設面色緣緣正赤者。寒邪深重。陽氣怫鬱在表。則可解之。薰之用大汗之法。否則不過發汗不徹。非怫鬱之症。不足言陽不得越也。特已汗而正虛不徹。而邪在。故煩躁不知痛處。在腹在肢等症。形容按之不得邪。猶在之驗也。短氣脉濇。正已虛之驗也。此時不得不更發汗。更字當作平聲。尚論曰。太陽中篇。傷寒發汗解半日許。復煩脉浮數者。可更發汗。然則彼更桂枝湯。此宜更桂枝葛根湯矣。

二陽併病。太陽症罷。但發潮熱。手足漉漉。汗出。大便難而
譏語者。下之則愈。宜大承氣湯。

太陽已罷。陽明胃府症俱見。所以宜下。此條與上條絕
不同。

太陽與少陽併病。頭項強痛。或眩冒。時如結胸。心下痞硬
者。當刺大椎第一間。肺俞。肝俞。慎不可發汗。發汗則譏語。
脉弦。五六日譏語不止。當刺期門。

成無己曰。太陽脉絡頭下項。頭項強痛。太陽表也。少陽
脉循胸絡脇。如結胸痞硬。少陽裏也。太少併病。不純在。

表故頭項不但強痛而或眩胃亦未全入裡故如結胸痞硬邪在半表半裡也刺肺俞所以泄太陽肝俞所以泄少陽若發汗亡津液損胃氣則少陽木邪尅土必譫語而脈弦五六日傳經盡而譫語不止少陽邪熱甚也故刺期門以泄肝胆之氣按肺俞在背第三椎下兩旁肝俞在九椎下兩旁不能刺而用藥宜柴胡桂枝括萎寔柴胡加龍骨湯

太陽少陽併病心下硬頭項強而眩者當刺大椎肺俞肝俞慎勿下之

與前條症同治亦同。但前條禁汗。此條禁下。汗則芻祛。太陽之邪必少陽之邪伐胃。故讖語下則芻攻少陽之邪。太陽之邪乘虛入裡必成結胸。

太陽少陽併病而成結胸。心下硬。下利不止。水漿不下。其人煩。

太少併病。本是時如結胸。心下痞硬。况下之有不諸惡症具見乎。或曰此宜生姜瀉心湯。小陷胸湯。

○兩感

若兩感於寒者。一日太陽受之。卽與少陰俱病。則頭痛口

乾煩滿而渴。二日陽明受之。卽與太陰俱病。則腹滿身熱。不欲食。讖語三日少陽受之。卽與厥陰俱病。則耳聾囊縮。而厥水漿不入。不知人者。六日死。若三陰三陽五藏六府皆受病。則營衛不行。藏府不通而死矣。

趙嗣真曰。太陽與少陰俱病。則頭痛項強。爲太陽邪盛於表。口乾而渴。爲少陰邪盛於裡也。陽明與太陰俱病。則身熱譫語。爲陽明邪盛於表。不欲食腹痛。爲太陰邪盛於裡也。少陽與厥陰俱病。則脇痛耳聾。爲少陽邪盛於表。囊縮而厥。爲厥陰邪盛於裡也。

龐安常云。脉沉大者。太陽少陰沉。長者。陽明太陰沉。弦者。少陽厥陰也。

錢禎曰。有少陰先潰於內。而太陽繼之於外者。卽縱情肆慾之兩感也。太陰受傷於裡。而陽明重感於表者。卽勞倦竭力。飲食不調之兩感也。厥陰氣逆於藏。少陽復病于府者。卽七情不慎。疲筋敗血之兩感也。此探本之論。發前人所未發。能究其所以然之故。便得所以治法。

仲景論兩感爲死症。而復以治有先後發表攻裡之說。繼之者。蓋所稟有虛寔。所感有淺深。體寔而感淺者。猶或

可治。後人解先後之說甚多。證治論活人書皆云宜先救裡。內纔溫則可治矣。故有四逆之說。惟準繩斟酌表裡。謂如下利不止。身體疼痛。則先救裡。如不下利。身體疼痛。則先救表。甚得隨症緩急之法。

活人云。救表宜用桂枝。救裡宜用四逆。恐四逆以火濟火。腹滿譫語。囊縮諸症。無由而除。藏府無由而通。疑仲景所謂發表。葛根麻黃湯乎。攻裡調胃承氣乎。

李挺曰。表裡俱急者。大羌活湯。陽症體痛而不下利者。爲表急。先以葛根麻黃解表。後以調胃承氣攻裡。陰症身

痛而下利不止者爲裡急。先用四逆救裡。後以桂枝救表。古法一日太陽少陰。五苓散主之。頭痛加羌活防風。口渴加黃柏知母。二日陽明太陰。大柴胡湯。三日少陽厥陰。危甚大承氣加川芎柴胡救之。諸說具備。臨時審之。

劉宗厚曰。傷有兼風兼濕不同。表裡俱虛俱寔之異。大抵俱虛爲多。脈從陽者可治。從陰者難治。

尚論曰。予治金鑑一則。先以麻黃附子湯汗之。次以附子瀉心湯下之。二劑而愈。今人見煩熱枯燥之症。不敢用

附子者。惡其以熱助熱也。不知腎中陽氣不固。精液不
得上升。故枯燥外見。纔用附子助陽。則陰氣上交於陽。
位如釜底加火。釜中之水氣必上騰矣。觀此則兩感症。
仍有陰陽兩解之法在。

又曰。假如其人腎水將絕。真陽發露。外現種種躁擾之症。
若再治太陽之邪。頃刻亡陽矣。是必先溫其在經之陽。
兼益其陰以培陽之基。然後方治太陽之邪。猶爲庶幾。
此與少陰宜溫之例合也。又如其人平素消瘦。兼以
內鬱之邪。灼其腎水。外現鼻煤舌黑。種種枯槁象者。若

再治太陽之邪頃刻亡陰而死矣。是必急下以救將絕之水。水液既回。然後方治太陽之邪。猶爲庶幾。此與少陽宜下之例同也。又如其人邪發於太陽經者。大熱惡寒。頭疼如劈。腰脊項強痛。胸高氣喘。種種危急。溫之則發狂發斑。下之則結胸讖語。計惟有先從太陽桂枝解之。解已然後或下或溫。以去其在陰之邪也。此則當用太陽之表例。而與太陰之表例略同也。此二條在尚論溫病篇中。以其合於兩感。故摘附此卷。學者留心

參看

潔古大羌活湯

羌活 獨活 防風 防已 黃連 黃芩 蒼朮

白朮 炙草

細辛

各三錢

知母

川芎

生地

各一錢

右咬咀。每服半兩。水一盞。煎一盞去渣。熱飲之。不解再服。病解則止。若有餘證。依仲景法治之。吳鶴臯曰。易老此方。意謂傳經者。皆為陽邪。一於升陽散熱。滋養陰藏。感之淺者。尚或可平。

○臟結

問曰。病有結胸。有藏結。其狀如何。答曰。按之痛。寸脈浮。關

脉沉名曰結胸也。何謂藏結。答曰。如結胸狀。飲食如故。時時下利。寸脉浮。關脉小細沉緊。名曰藏結。舌上白胎滑者。難治。

二症皆悞下後。邪氣乘虛入裡之故。邪與陽結。則爲結胸。陽氣在胸。故結在上。邪與陰結。則爲藏結。藏居陰位。故結在下。邪在陽分者。陰氣不得上通。故按之痛。脉浮爲寒邪。關沉爲入裡也。邪在陰分者。下結而上不結。故飲食如故。濁陰在下。故時下痢。脉已浮而沉。又加細小緊者。陽氣不得下達。則陰凝陰位也。此時或見熱症。猶

傷寒正醫金
二
爲易治。舌上白胎。則上焦亦寒。寔爲危症。溫裡散邪。使
陰消而邪解。良工其劇費苦心乎。

藏結無陽證。不往來寒熱。其人反靜。舌上胎滑者。不可攻也。

無陽症。則表無熱。不往來寒熱。則半表半裡無熱。其人
反靜。則裡又無熱。經曰。舌上如胎者。丹田有熱。胸中有
寒。故不可攻。蓋丹田屬陰而反熱。胸中屬陽而反寒。則
上下皆邪氣拒格。故必調其陰陽。使滑胎退而徐議攻
之。庶幾結可以解。王朝奉曰。可刺關元穴。內服小柴胡。

湯。

病脇下素有痞。連在臍旁。痛引少腹。入陰筋者。此名臟結死。

素有痞而連臍旁。必腎陰久衰。肝木失榮。脾氣大虛者。又復寒邪內乘。自必痛引少腹。宗筋拘急。故不治。

○結胸

六書云。胸膈滿者。胸中氣塞滿悶也。非心下滿。脇滿者。脇肋脹滿也。非腹中滿。蓋表邪傳裡。必先胸以至心腹入胃。故胸滿多帶表証。宜微汗。脇滿多半表半裡。宜和。

胸中痰寔者宜湧之。如結熱燥渴便秘則宜下。
病發於陽而反下之。熱入因作結胸。病發於陰而反下之。
因作痞。所以成結胸者以下之太早故也。

發於陽者表也。下之而表熱入則陽邪結於陽位。故結
在胸也。發於陰者陽邪已轉入陰經。故下之不言熱入。
但作痞者或在心下或在邊旁。陰邪結於陰位。猶輕於
結胸。故下早句只申言結胸也。此皆太陽之變症。發於
陰三字勿悞認無熱惡寒之中寒証。

太陽病。脈浮而動數。浮則爲風。數則爲熱。動則爲痛。數則

爲虛。頭痛發熱。微盜汗出。而惡寒者。表未解也。醫反下之。動數變遲。膈內拒痛。胃中空虛。客氣動膈。短氣煩躁。心中懊懺。陽氣內陷。心下因硬。則爲結胸。大陷胸湯主之。若不結胸。但頭汗出。餘無汗。劑頸而還。小便不利。身必發黃。出浮本太陽之脈。動與數。亦皆陽脈也。太陽本自汗而惡寒。因日久而言微言反。疑爲欲傳之候。其寔猶在太陽經也。故頭痛發熱。爲表邪未解。醫不知而誤下。則動數變而爲遲。膈氣與邪氣格鬪。則痛。胃中真氣空虛。外客邪衝動其膈。則氣短煩躁懊懺。皆陽氣內陷而邪熱結。

壅塞於心下為鞭滿而痛成結胸。與大陷胸者大下而開其結也。若不結胸猶為輕症。頭汗出陽尚用事也。餘無汗陰脉不過頸也。小便不通陽不下達陰不任事。必停濕也。濕停而滲入胃必蒸而發黃。當於發黃條酌治之。

大陷胸湯

大黃六兩 去皮 芒硝一升 甘遂一兩 水六升。先煮大黃取二升。

去渣入芒硝煮一二沸內甘遂末服得快利止後服。

劉心山曰。結胸痞滿。多由痰飲凝結。故陷胸瀉心用甘

遂半夏栝蒌枳寔旋覆之類皆爲痰飲而設。

太陽病重發汗而復下之不大便五六日舌上燥而渴日晡所小有潮熱從心下至少腹硬滿而痛不可近者大陷胸湯主之。

汗而復下津液亡而熱邪內結致不便五六日舌燥而渴日晡潮屬陽明胃小有熱旣不是陽明大熱從心上至少腹痛則太陽結於胸非陽明內寔之症故不用承氣用陷胸者使一腹之中上下邪氣痰飲皆由此而蕩滌無餘者也然汗下之後必脉寔者用之。

傷寒六七日。結胸熱寔。脉沉緊。心下痛。按之石硬者。大陷胸湯主之。

傷寒六七日。不言下。早而結胸者。或承上文而脫寫。或裡氣素虛。邪入而結。俱未可知。熱寔是熱邪填寔於胸。沉爲裡。沉緊爲寒邪傳裡。心下痛而石硬。此熱寔之明驗。

傷寒十餘日。熱結在裡。復往來寒熱者。與大柴胡湯。但結胸無大熱者。此爲水結在胸脇也。但頭微汗出者。大陷胸

主之。

十餘日熱結。可下之候矣。復往來寒熱。則半表半裡。未
全歛結。故以兩解之。大柴胡下之。無大熱者。不實硬。
而結胸。必有水氣鬱滯。周身汗出。方能解散。但頭汗不
能外泄。故下之。活人云。水結胸。小半夏加茯苓湯。小
柴胡去棗。加牡礪湯。主之。

結胸者。項亦強。如柔痙狀。下之則和。宜大陷胸丸。

頸項爲太陽部位。邪已結於胸中。而項強如柔痙者。雖
不致手足反張。而陽邪迫結。其熱甚劇。故以黃硝之苦
寒盪熱。加葶藶以佐甘遂。而滌飲。更用杏仁理肺氣。白

蜜潤腸胃。變湯為丸者。取連渣藥力勝耳。

大陷胸丸

大黃

芒硝

杏仁

去皮各半觔

葶藶

半升

搗篩二味。內杏

仁。芒硝合研如脂。和如彈丸一枚。別搗甘遂末一錢。白

蜜二合。水二升。煮取一升。服之一宿。乃下。不下更服。取

下為效。

結胸證。其脉浮大者。不可下。下之則死。

必寸浮。關沉。乃為結胸。可下之症。今脉浮大。則表未全

入。裡未全寔也。下之有不邪聚而正脫者乎。

結胸證具。煩躁者亦死。

結胸證而敢於下之者。恃胃氣。寔也。煩躁則津液已枯。胃氣垂絕矣。

小結胸病正在心下。按之則痛。脉浮滑者。小陷胸湯主之。小結胸正在心下。不似大結胸之上下俱鞭也。按之則痛。不似痛不可近也。脉浮淺於沉。滑緩於緊。所以有大小之目也。黃連苦寒以泄熱。半夏辛溫以散結。括萎寒潤以滌垢。結胸多痰。熱凝聚。此三物足以開散矣。

小陷胸湯

黃連一兩半夏半升括萎一枚水六升先煮括萎取三

升去渣內諸藥煮取二升去渣分溫三服

寒寔結胸無熱證者與三物小陷胸湯白散亦可服

其人胃氣素虛寒痰膠塞雖外邪入裡不能作熱小陷胸最能滌飲恐寒藥不宜白散為穩

白散方

桔梗三分巴豆三分貝母三分二味為末內巴豆黑研如泥

更杵白飲和服強人一錢羸者減之病在膈上必吐膈下必利不利進熱粥一盃利過不止進冷粥一盃

按結胸症。誠爲下早而成。然必邪入寔熱。與胸中陽氣
狃結不開。爲鞭爲痛。方與大下。否則上焦爲清道至高
之分。恐傷元氣也。又有不因悞下而結者。經云熱已
入裡久不攻之。亦至結寔。名曰三死一生。是失下也。

有汗後熱氣傳入心下而痞者。是失汗也。活人云。若

悞下了。未成結胸者。爭頻與理中湯治中焦故也。有厥

症者。兼與四逆湯。戴元禮曰。有熱寔結胸。更有寒寔

結胸。雖痛而無煩躁等症。此因下後虛逆。寒氣獨結。宜

理中加枳實半錢茯苓一錢或枳寔茯苓人參白朮乾姜甘

傷寒直格
草六味爲末。蜜丸。彈子大。每服二丸。熱湯化下。連進二
三服。卽可豁然。渴加括萎根。自汗加牡礪。又有水結
胸者。無大熱。頭微汗出。宜小半夏茯苓湯。又有血結
胸。手不可近。嗽水不欲咽。喜亡如狂。大便秘。小便利。宜
犀角地黃湯。此痞危險。故採諸說以備急。

○痞

傷寒汗出。解之後。胃中不和。心下痞硬。乾噫同食臭。脚下
有水氣。腹中雷鳴。下利者。生姜瀉心湯主之。

胃爲津液之主。陽氣之根。保命集云。脾不能行氣於四

藏結而不散。則爲痞。今汗解後。胃液空虛。客氣上逆。則未必過飽。如飽而惡食。土不能制水。則水氣攻下。故腹雷鳴而下利。與瀉心湯而君生姜者。散邪滌飲。益胃以復陽也。辛走氣。散痞者必用辛。半夏乾姜分陰以行陽也。黃連黃芩苦先入心降陽而升陰也。通上下者必和其中。人參大棗甘草補脾而使諸藥得力。則諸病可愈矣。

生姜瀉心湯

生姜四兩 甘草炙 人參 黃芩各三兩 乾姜 黃連各半兩

夏半升大棗十二枚

水一斗。煮二升去渣。再煎取三升。溫

服一升。日三服。

傷寒五六日。嘔而發熱者。柴胡湯證具。而以他藥下之。柴胡證仍在者。復與柴胡湯。此雖已下之。不為逆。却發熱汗出而解。若心下滿而硬痛者。此為結胸也。大陷胸湯主之。但滿而不痛。此為痞。柴胡湯不中與之。宜半夏瀉心湯。少陽忌下。更甚於他經。悞下而少陽不變。更與桂枝而汗解者。其輕焉者也。硬滿而成結胸者。其重焉者也。若滿而不痛者。雖無前條乾噉下利諸症。然病人一經邪

閉卽肺氣不通。聚爲痰飲。况又悞下。則外邪內陷。心膈如何得解。故於瀉心湯去生姜。以半夏爲君。使有形之痰。與無形之熱俱去也。

半夏瀉心湯

人參

黃芩

甘草

炙各三兩

半夏

半升

乾姜

黃連

各一兩

大

棗

十二枚

煎法服法同前。

傷寒中風。醫反下之。其人下利日數十行。穀不化。腹中雷鳴。心下痞硬而滿。乾嘔。心煩不得安。醫見心下痞。謂病不盡。復下之。其痞益甚。此非結熱。但以胃中虛。客氣上逆。故

使硬也。甘草瀉心湯主之。

明明悞下而痞。猶不省所以。下利腹鳴。硬滿嘔煩之咎。又謂病不盡而復下。懵懂而再悞耶。奸險而怙終耶。聖人直指為此。非結熱。蓋胃中虛者。正宜用人參。恐客氣上逆。反足以助邪。故但重用甘草以和中氣。若散邪滌飲。除煩益胃。非瀉心湯無別法也。

甘草瀉心湯

甘草四兩 乾姜三兩 半夏半升 黃芩三兩 黃連一兩 大棗十二枚

傷寒大下後。復發汗。心下痞。惡寒者。表未解也。不可攻痞。

當解表。表解乃可攻痞。解表宜桂枝湯。攻痞宜大黃黃連
瀉心湯。

汗下顛倒。已成痞滿。而猶惡寒者。表不為汗解。則宜先
解而後攻。服桂枝後。必無痰飲凝滯。故無取姜半。竟用
大黃黃連二味。以熱邪在心。利其速去。更以麻沸湯漬
服。取其味薄。而瀉虛熱也。

大黃黃連瀉心湯

大黃二兩黃連二兩右二味。以麻沸湯漬之。須臾絞去渣。

分溫再服。

脉浮而緊而復下之。緊反入裡則作痞。按之自濡。同但氣痞耳。按之濡。其脉關上浮者。大黃黃連瀉心湯主之。心下痞而復惡寒汗出者。附子瀉心湯主之。

浮緊為陽邪。因誤下而作痞。幸無痰飲凝結。按之軟。而但成氣痞也。然緊反入裡。關上見浮。明是陽邪不散。此宜三黃瀉心以驅之矣。至惡寒汗出者。前條但惡寒。故用桂枝解表。此條更多汗出。幾有陽虛飛越之懼。非三黃不能去痞熱。非附子不足以監三黃而為節制之。兵此寒熱並用。神乎神者也。

附子瀉心湯

大黃

二兩

黃芩

黃連

各一兩

附子

一枚炮去皮切別煮取汁

將三黃

以麻沸湯二升漬之。須臾絞去渣。內附子汁。分溫再服。太陽中風。下利嘔逆。表解者。乃可攻之。其人漉漉汗出。發作。有時頭痛。心下痞硬。滿引脇下乾。嘔短氣。汗出不惡寒者。此表解裡未和也。十棗湯主之。

此方不可輕用。故言表解者乃可攻之。又提汗出不惡寒者。叮嚀之意也。漉漉汗出發作。有時不惡寒。皆表解之驗。上嘔下利。心下硬滿。脇痛短氣。則邪熱內蓄。必有

伏飲爲患。卽頭痛。亦水氣上攻。氣血凝滯。非表症可比。故用此峻下之劑。與陷胸等。

十棗湯

芫花炒 甘遂 大戟 大棗十枚 右三味等分各搗水

升半。先煮棗取八合。去滓。內藥末。強人服一錢。羸者服半錢。平旦溫服。若下少。病不除者。明日更服。加半錢。得快下利後。糜粥自養。

芫花大戟辛苦。逐胸中痰飲。甘遂苦寒。直達水氣所結之處。俱以攻決爲用。大棗甘以緩之也。十棗湯小青

龍湯治水氣乾嘔。桂枝湯治太陽汗出乾嘔。姜附湯治少陰下利乾嘔。吳茱萸湯治厥陰吐涎沫乾嘔。又海藏曰：表有水，用小青龍；裡有水，用十棗。

傷寒胸中有熱，胃中有邪氣，腹中痛，欲嘔吐者，黃連湯主之。

邪入裡而上寒下熱者，丹田有熱，胸中有寒，舌上如胎者是也。風邪在上，故胸有熱；寒邪在中，故胃中有邪氣；陰氣不得升，故腹中痛；陽氣不得下，故欲嘔吐。上熱泄之以苦，用黃連之苦以降陽；下寒散之以辛，用姜桂半

夏以升陰參。聚甘草。使中氣旺而邪自散也。

黃連湯

黃連 乾姜 桂枝 甘草 炙各三兩 人參 二兩 半夏 半升洗

大棗 十二枚 水一斗煮六升。溫服一升。夜二服。

傷寒發汗若吐。若下。解後心下痞硬。噯氣不除者。旋覆花代赭石湯主之。

汗吐下後。而伏飲在心下。宜乎痞硬矣。其噯氣不除。有升無降。則胃氣虛損。伏邪時上逆也。旋覆降氣而軟堅。代赭鎮重而下達。得人參甘草協力。以納氣歸元。則姜

夏之滌飲散邪。自能勝任矣。綱目云、病解後痞鞭噎氣。下利者。生姜瀉心湯。不下利者。用此湯。活人云、有氣虛者。先服四逆。胃寒者。先服理中。然後用此湯。周揚俊曰、借此湯治反胃噎食。氣逆不降者。神效。

旋覆代赭湯

旋覆花

甘草

炙各三兩

代赭

煨蜜水淬出火一兩

人參

二兩

半夏

半升洗

生姜

五兩

大棗

十二枚

水一斗

煮取六升。去渣。再煎。取三

升。溫服一升。日三服。

傷寒服湯藥。下利不止。心下痞硬。服瀉心湯已。復以他藥

下之利不止。醫以理中與之。利益甚。理中者。理中焦。此利在下焦。赤石脂禹餘糧湯主之。復利不止者。當利其小便。痞硬與瀉心而猶未愈。必瀉心。五方中用之。不當而更以他藥下之也。下之利而更與理中。若病不在下焦。何爲其利益甚。難經曰。中焦中脘。主腐水穀。下焦當膀胱。上口主分別清濁。則利在下焦者。氣化不行。故大腸滑脫也。石脂餘糧。瀋以止脫。重以固下。且石性沉下。并可去心下之痞。李先知所謂下焦有病人難會。須用餘糧赤石脂也。利又不止而利小便。亦是治下焦法。

赤石脂禹餘糧湯

赤石脂一斤 禹餘糧一斤

碎 碎

水六升。煮二升。去渣。三服。

本以下之。故心下痞。與瀉心湯痞不解。其人渴而口燥煩。小便不利者。五苓散主之。

瀉心已瀉。心下之熱與飲。乃痞不解。而反見渴與躁煩。則痞在心下。熱在少腹矣。五苓非治痞之藥。借用之者。開下焦之熱結。則上焦亦可豁然也。

太陽病外症未除。而數下之。遂挾熱而利。利下不止。心下痞硬。表裡不解者。桂枝人參湯主之。

外未解而數下之。則重虛其裡。邪熱乘虛而入。故利不止。而心下痞硬。爲邪寔正虛。表與裡俱不解。欲解表與裡之邪者。全藉中氣。宣布。故用理中。以和裡。加桂枝者。仍是先表之意。故名其湯。

桂枝人參湯

桂枝

甘草

炙各四兩

人參

白朮

乾姜

各三兩

先煮四味

後內桂更煎日再服

傷寒發熱。汗出不解。心下痞硬。嘔吐而下利者。大柴胡湯主之。

同是表邪入裡。痞硬下利也。前條用補法者。以數下而裡虛故也。此條用攻法者。以發熱汗出嘔吐爲寔也。讀傷寒書而不參互詳審。徒駭其五花八門耳。安知步伐之嚴。尺寸不爽乎。

太陽病。醫發汗。遂發熱惡寒。因復下之。心下痞。表裡俱虛。陰陽並竭。無陽則陰獨。復加燒針。因胸煩。面色青黃。膚暍者。難治。今色微黃。手足溫者。易愈。

發熱惡寒。得於發汗之後。豈漢時卽有庸工。動以荆防柴葛。作開場引者乎。不自悔者。必曰伏邪在內。幸汗藥

而提出此狡滑必成名醫也。發汗既悞於前，復下再悞於後。汗多亡陽，下多亡陰。故表裡虛而陰陽並竭，無陽陰獨者，外惡寒，痞內結。此時或投附子瀉心湯，庶幾祛陰邪而回陽氣。若又加燒針而致胸煩，則陰陽錯雜，面色青黃，肌膚動掣，爲木邪賊土，故曰難治。惟色黃而手足溫者，土未敗而陽猶在也。按此症由轉展悞治而劇。類此者十有八九，不服藥爲中醫諒哉。

夫痞者否而不泰也。保命集云：脾不能行氣於四藏，結而不散，則爲痞。皆邪熱入裡所致。亦有不因悞下者。或

痰或食或氣是也。瀉心湯爲治痞之本方。其不同者如
熱實而痞。則大黃黃連瀉心是也。寒多熱少者。半夏瀉
心是也。攻痞皆寒劑。有加附子者。一以辛熱佐寒涼。開
發痞之怫鬱。一以汗下陽虛。固之之意也。有表下之者。
祛邪而逐水氣也。細加辨識。方能隨症施治。

一方 用葱白生姜蘿卜搗汁。燒熱作二餅。隔絹熨之。亦
外治良法。

衣節身者

一丈。田蒸白土。美。鹽。水。與。我。無。分。二。輪。聖。藥。之。本。

探。深。而。發。木。犀。少。味。時。轉。歸。古。道。即。此。氣。解。

命。派。之。地。一。以。行。不。理。海。同。之。之。意。出。亦。下。之。會。

必。具。出。文。家。會。寒。陳。不。吹。烟。子。香。一。以。辛。熱。封。寒。氣。開。

續。黃。而。添。以。大。黃。黃。散。以。其。出。美。多。熱。少。香。半。裏。既。

藥。亦。在。庭。陳。其。心。界。必。出。家。本。不。其。不。同。者。取。

傷寒正醫錄

卷之六 目次

太陰一十二條

桂枝湯 四逆湯

附子加理中湯

桂枝加芍藥湯

桂枝加大黃湯

蘇林賦大黃類

蘇林賦大黃類

大指一才二種

蘇林賦大黃類

蘇林賦大黃類

蘇林賦大黃類

傷寒正醫錄卷六

三陰總

經曰發熱而惡寒者發於陽也。無熱而惡寒者發於陰也。發於陰者爲內感之邪。內感者必元氣素虛。或得之七情六慾。或得之形寒飲冷。其證始終只在一經。不復傳變。陽動而陰靜也。始必無熱而後或熱者。仲景所謂反發熱是也。發於陽者爲傳經之邪。陽邪傳變不常。或有太陽鬱熱。以次傳至陰經者。或太陽不傳陽明少陽。

竟傳三陰者。或雖始於太陽。不及鬱熱。卽入少陰者。或寒不從太陽而直傷陰經者。其中表裡寒熱。雖相似而寔不同也。

太陰總

足太陰脾臟也。三陽傳來熱邪未盡。而挨傳太陰。其經循腹內。上絡嗑。致腹滿下利咽乾。尺寸俱沉細者。太陰病也。須知有二證。一爲次第傳經之邪。一爲下後內陷之邪。如腹滿咽乾者。傳經之陽邪也。法當下之。如太陽病醫反下之。因腹滿時痛。此誤下內陷之邪也。法當桂

枝芍藥湯。大寔痛者。桂枝加大黃湯。金匱曰。太陰獨無直中寒之證。間有陷生冷而傷脾。或腹痛而嘔。法當用溫。然是內傷。非關外感。凡此皆宜認清來源。依經質對。自無差悞。

太陰病。脉浮者。可發汗。宜桂枝湯。

太陰之脉。尺寸俱沉細。今腹滿咽乾。而反見浮脉。必邪還於表。卽從表解之。使仍得微汗而出。此至便之路也。傷寒脉浮而緩。手足自溫者。繫在太陰。太陰當發身黃。若小便自利者。不能發黃。至七八日。雖暴煩下利。日十餘行。

必自止。以脾家寔腐穢當去故也。

浮緩似太陽中風脈。然太陽必發熱。而此則手足但溫。又非如少陰之逆與厥。故繫在太陰也。太陰蘊濕熱於內。脾爲濕土。故宜發身黃。不發黃者。水道利。濕從小便瀉也。旣從便瀉。邪必宜解。而七八日又暴煩下利者。太陰脾家受病。不能行津液。必有淤積腐穢。脾氣已寔而下行。所當行。必爲欲愈之候。故不必用他法。聽其自止可也。

傷寒脈浮而緩。手足自溫者。是爲繫在太陰。太陰者身當

發黃。若小便自利者。不能發黃。至七八日大便硬者。爲陽明病也。

不能發黃以上。與前條同。前條濕去而腐穢積。所以下利。此則濕去而津液乾。所以大便硬。轉入陽明者。脾陰而胃陽。與邪還於表。同意。此爲可下之候。

傷寒其脈浮。濇者。本是霍亂。今是傷寒。却四五日至陰經。上轉入陰。必利。水嘔下利者。不可治也。欲似大便而反失氣。仍不利者。屬陽明也。便必硬。十三日愈。所以然者。經盡故也。

霍亂之上嘔下利。其脉浮濇。浮爲寒邪。濇爲積滯。一時之陰象也。今傷寒非一時之病。而得陰脉。至四五日而轉至陰經。自必下利。嘔爲上逆。利爲下脫。似此危候。而可以粗心治之乎。若寒滯利盡。而胃陽來復。則失氣而不大便。便必硬。而過經愈者。可以十三日爲期矣。

下利後當便硬。硬則能食者愈。今反不能食。到後經中頗能食。復過一經能食。過之一日當愈。不愈者。不屬陽明也。太陰必下利者。脾病也。利後便硬者。胃氣復而能食也。反不能食者。胃氣未盡復。則必過一經之期而稍能食。

再過一經而竟能食。更越一日而愈者。卽上條十三日之意也。若猶不愈。必內熱消穀而能食。非陽明正氣之復。故愈期未卜。

太陰中風。四肢煩疼。陽微陰濇。而長者爲欲愈。

陽微陰濇。爲風邪去而顯不足之象。脾主四肢。因微濇而煩疼。長爲陽明之本脉。必微濇而得長。則從陰轉陽。故曰欲愈。

太陰之爲病。腹滿而吐。食不下。自利益甚。時腹自痛。若下之。必胸下結硬。

腹滿爲太陰本病。吐而食不下。邪逆於上也。自利而腹痛。邪迫於下也。此時惟有溫散一法。不知而誤下。必邪結於胸下。幾與結胸相類。如何開解。

自利不渴者。屬太陰。以其藏有寒故也。當溫之。宜服四逆輩。

太陰屬濕土。濕則自利而不渴。藏有寒而溫之。燥濕以培土也。然曰輩者。類舉之詞。蓋四逆辛甘相合爲大熱之劑。或理中。或理中加附子。皆括於輩字中也。

本太陽病。醫反下之。因而腹滿時痛者。屬太陰也。桂枝加

芍藥湯主之。

表未罷而誤下。邪乘虛入裡者。當作結胸。今不胸滿而腹滿。則邪入陰位。故曰太陰也。然腹滿時痛。其痛不常。尚非大寔之證。則仍用桂枝以達太陽之邪。但倍芍藥以和太陰耳。

桂枝加芍藥湯

加芍藥二兩煎法同前。

大寔痛者。桂枝加大黃湯主之。

大寔必有燥屎宿食。大痛必痛無休止。但因太陽誤下。

而太陰受病。則桂枝疏表之中。稍加大黃。經所謂諸痛為寔。痛隨利減是也。

桂枝加大黃湯

桂枝加芍藥湯中。再加大黃一兩煎法同。

太陰為病。脈弱。其人續自便利。設當行大黃芍藥者。宜減之。以其人胃氣弱。易動故也。

總承上條而叮嚀之。蓋脈弱而續自便利。故知胃氣弱而宜減用也。若本經直入陰邪。或因腹滿腹痛。而妄投大黃芍藥。尤悞之甚者。可不慎諸。